

Choaiq Thõ Phau-lô Chĩc Yõn Atit Santoiq Atõng

Phau-lô chĩc choaiq thõ nãi coiq sa-óh Atit. An chĩc sám 63 toaq 66 cumo ntun Yê-su canõ. Atit la cũai póng ca toaq tẽ cruang canõh, ma an sa-âm Yê-su Crĩt tẽ. Phau-lô yõn Atit noang õt tâng vil Crĩt, dõq máh cũai sa-âm tâng vil ki cõt rêng cõp toar achõn. Saráq nãi atõng Atit bữn pái ỏc toar an cóq táq la neq: Muoi la ruroh cũai ayõng tộp sa-âm. Bar la arĩen cũai thâu dõq cũai thâu tẽq arĩen loah cũai póng tâng tộp sa-âm. Pái la dũng ỏc ratoi saryóq tâng tộp sa-âm, cóp viaq yõng tẽ ỏc manoaq kêt manoaq.

¹ Cũq la Phau-lô chĩc choaiq thõ nãi. Cũq la cũai táq ranáq yõn Yiang Sursĩ, cóp cũq la ayũng atĩ Yê-su Crĩt. Yiang Sursĩ ỏn cũq põq atõng máh cũai an khoiq ruroh yõn mút pahõm alói cõt sa-âm samoat lủq ẽn. Cũq yoc atõng alói ỏc pĩeiq tẽ Yiang Sursĩ dõq alói puai ngẽ Yiang Sursĩ nheq rangũh rahõ. ² Hái ngcuang bữn tamoong mantái ariang Yiang Sursĩ, an ca tở nai táq ntõng lauq, khoiq par-ũq bo an tở yũah tẽng cõc cutẽq nãi. ³ Chõ toaq ngư, Yiang Sursĩ khoiq atõng parnai an yõn cũai dáng. Yuaq Yiang Sursĩ dáng cũq atõng pĩeiq lủq parnai an, ngkĩq an ỏn cũq atõng. Yiang Sursĩ la Yiang ca chuai amoong hái.

⁴ Cúq chĩc choaiq thõ nài coi q sa-óh Atit. Mói la ariang con cúq, yuaq mới sa-âm Yiang Sursĩ machóng cúq. Cúq sếq Yiang Sursĩ, Mpoaq hái, cóp Yê-su Crĩt, án ca chuai amoong hái, chuai miat mới cóp yõn mới õt bán sũan ien khẽ níc.

Ranáq Atit Táq Tâng Cruang Crêt

⁵ Bo ki cúq khiq yõn mới õt loah tâng cõn Crêt đõq mới táq yõn moâm máh ranáq hái táq tở yũah moâm. Cúq yoc mới ruroh cũai táq sớt tâng tốp sa-âm dũ vil tâng cruang ki. Ngkĩq cúq khiq patáp mới tẽ nhũang chơ. ⁶ Cúq yoc mới ruroh cũai tở bũn noau tẽq tẽq alói. Cũai ki cóq bũn ống muoi lám lacuoi. Con acái án cóq sa-âm Yê-su tẽ, cóp con acái án tở tẽq táq yúh-yúh cóp tở trĩh. ⁷ Yuaq cũai ki táq ranáq Yiang Sursĩ, ngkĩq cóq án táq yõn cũai canõh tở tẽq tẽq án. Cóq án tở bũn õt; tở bũn coáp nsóq; tở bũn ham blõng; tở bũn tachoat; cóp tở bũn ham práq. ⁸ Ma cũai ca radũng tốp sa-âm cóq roap chõm o tamoi, cóq bũn mút pahõm ayooq ốc o, cóq ót pian tở bũn nsóq chóq cũai canõh, cóq táq tanoang o yáng moat cũai, cóq bũn mút bráh o yáng moat Yiang Sursĩ, cóp cóq dáng rabán o tở bũm. ⁹ Cóq án yõng pacái níc máh ốc án khiq sâng tẽ Yiang Sursĩ. Ngkĩq án tẽq atõng ốc pĩei q tẽ Yiang Sursĩ yõn cũai canõh yõng pacái ốc ki tẽ. Cóp tẽq án atõng raloaih lứq ẽn chóq cũai ẽ catáng parnai Yiang Sursĩ, đõq cũai ki tở tẽq pai ntrõu nõng.

Atit Suroq Cóp Catoaih Atõng Máh Cũai Crêt

10 Bữn sa-ữi nác cũai sa-âm tễ tộp I-sarel tở ẽq trĩh sớt alói. Alói đốq atởng bambar, cớp đốq ẽ táq ntởng lauq. Alói atởng cóq táq rit cút puai phễp rit I-sarel.* 11 Cóq hái cupât bỗq alói, yuaq alói yoc ẽ paroai máh đốq sữ tộp sa-âm na atởng ốc tở bữn p̄ieiq, đốq chuaq lơi na ốc tở bữn tanoang. 12 Bữn manoaq tễ cũai Crêt cớt cũai tang bỗq yiang alói. Án khoiq atởng neq: “Cũai Crêt đốq lứq táq ntởng lauq. Cớp alói táq tachoat lứq. Alói yoc ẽ cha pasai, ma alói aloah táq ranác.”

13 Máh santoiq cũai nâi pai la lứq p̄ieiq. Ngkíq cóq mới sươq alói ca sa-âm chỗi táq ngkíq, đốq mút pahõm alói sa-âm pacái lứq. 14 Sươq alói chỗi tamứng parnai tở p̄ieiq ariang máh cũai I-sarel đốq táq ntởng, tở la cũai ca khoiq táh ốc p̄ieiq ca patâp anhia. 15 Khân cũai bữn mút pahõm tở bữn lôi, lứq ranác alói táq la o. Ma khân cũai bữn mút pahõm lôi cớp tở bữn sa-âm, nheq ranác alói táq la lứq tở bữn p̄ieiq ntrầu, yuaq sarnóm alói chanchóm tở bữn o, cớp mút pahõm alói loai lứq. 16 Bỗq alói pai alói dáng Yiang Sursĩ, ma ranác alói táq la mpha tễ ngê Yiang Sursĩ. Cũai canõh kêt lứq alói. Alói tở bữn trĩh cớp tở tềq táq ranác o ntrầu.

2

Ốc Patâp Yỗn Cũai Thâu, Cũai Póng, Cớp Cũai Sũl

* **1:10** 1:10 Rit ki noau táq tếc cút bĩq ngcâr tễ cớng samiàng.

¹ Ma mới cóq atõng máh cũai sa-âm dáng alói cóq táq ntróu yoc ẽ puai ngê Yiang Sursĩ samoât samoi. ² Cóq mới atõng máh cũai samiang thâu yõn alói rabán o tũ alói bũm, yõn alói õt sangcún, cóp õt mantoat o níc. Cóq alói sa-âm samoât samoi. Cóq alói ayoog níc yóu. Cóp khân bũn ọc túh coat toâq pũ alói, cóq alói chũuq tanhĩr níc.

³ Mới cóq atõng máh cũai ayoaq tê, yõn alói yám noap Yiang Sursĩ. Cóq alói chõĩ táq ntõng parnai sasruc, cóp chõĩ ham blõng. Ma cóq alói atõng parnai o ⁴ chóq máh mansẽm mbõiq bũn cayac, yõn mansẽm ki dáng ayoog con cayac. ⁵ Cóq mansẽm ki dáng rabán tũ alói bũm, cóp yõn alói õt mantoat o níc yáng moat Yiang Sursĩ. Cóq alói cutóng táq ranáq tâng đồng alói. Cóp cóq alói ít pahõm cayac. Khân alói táq ngkiq, cũai canõh tở têq mumat ngê Yiang Sursĩ.

⁶ Cóq mới alúp-adũq níc máh samiang póng yõn alói dáng rabán tũ alói bũm. ⁷ Dũ ranáq mới táq, cóq táq p̃ieiq lứq, yuaq mới la samoât ngól yõn cũai canõh. Bo mới atõng tẽ ngê Yiang Sursĩ, cóq mới apáh mới la cũai tanoang o cóp sangcún. ⁸ Máh santoiq mới táq ntõng cóq mới pai yõn p̃ieiq, đõq cũai canõh tở têq tẽq mới pai mới táq tở p̃ieiq. Chơ máh cũai yoc ẽ rasuon cóp mới sâng casiet, yuaq alói tở ramóh muoi ọc lóih ntróu tẽ hái atõng.

⁹ Cóq mới atõng máh cũai sũl yõn alói ít pahõm cũai ncháu alói. Cóq alói táq dũ ranáq yõn ncháu sâng bũ. Cóq alói chõĩ rasuon cóp

ncháu alói. ¹⁰ Cóp cóq alói chõit tutuoiq crơng ncháu alói. Ma cóq alói táq o níc chóq ncháu alói. Khân cũai sũl táq ngkíq, cũai canõh hũm o alói puai ngê Yiang Sursĩ. Chơ noau yoc ẽ dảng tê tẽ ngê Yiang Sursĩ, án ca chuai amoong hái.

Yiang Sursĩ Chuai Miat Cũai

¹¹ Yiang Sursĩ khoiq chuai miat dũ náq cũai, yõn alói têq bũn tamoong mantái. ¹² Cõ Yiang Sursĩ chuai miat hái, ngkíq hái dảng án yoc hái táh máh ngê mpha tẽ ngê án. Hái chõit puai rangũh hái bũm tâng dõit nãi. Yiang Sursĩ yoc hái dảng rabán o tũ hái bũm, cóp án yoc hái õt tanoang. Án yoc hái puai ống ngê án sâng bo noâng õt tâng dõit nãi, ¹³ bo hái nguang tangái Yê-su Crĩt toâq loah pũ cutẽq nãi. Tangái ki hái bũn hũm Yê-su Crĩt, án ca chuai amoong hái. Án bũn chóc ang-ũr, cóp án la machớng Yiang Sursĩ tê. ¹⁴ Lứq Yê-su Crĩt toâp chũuq cuchĩt tang hái, dõq thái loah hái tẽ ốc lỏih, yõn hái cõt cũai tũ bũn lỏih ntrớu noâng yáng moat Yiang Sursĩ. Ngkíq hái cõt cũai proai án, la tũp miar tẽ cũai canõh cóp ẽr áiq lứq ẽ táq ranáq o.

¹⁵ Mớit bũn chóc tâng tũp sa-âm. Ngkíq cóq mớit atõng nheq máh ốc cứq khoiq patâp mớit. Cóq mớit atõng cóp sươq tũp sa-âm, khân alói táq tũ pĩeiq. Cóp máh ranáq mớit táq, chõit táq yõn noau têq ayê mumat mớit.

3

Ốc Patâp Yõn Tũp Sa-âm

¹ Mới cóq atởng loah máh cũai sa-âm yỗn alóit trữ máh cũai sớt tâng dời nài. Cóq alóit thữan ể táq dũ ranáq o. ² Cũai sa-âm tở têq voỏq sáoq tể cũai canỏh. Ma cóq alóit ớt ratoit cóp dũ náq cũai. Cóq alóit bữn mút khữn cóp lavieit cóq cũai canỏh.

³ Tể nhũang háit la cũai sacũl tề. Háit tở trữ, cóp háit tamứng níc parnai noau raphếq. Ngkít tở háit cớt samoát cũai sũl yỗn ranáq sáoq, cóp tở háit yoc ể puait níc ngê sáoq. Háit ra-ũan, háit sa-on cumít níc. Khãn noau kêt háit, chơ háit kêt loah cũai ki tề. ⁴ Ma toáo tangáit Yiang Sursĩ apáh yỗn háit dáng án ayooq háit, cóp án ể chuait háit, ⁵ tangáit ki án chuait amoong háit. Án tở bữn chuait amoong háit cở háit táq ranáq tanoang o. Ma án chuait amoong háit cở án sâng sarũiq táq. Lứq Yiang Sursĩ toáp táh lỏih háit, nhơ Ravieit án ariau mút pahỏm háit yỗn bráh. Cóp án yỗn háit bữn mút tamáit ển, ariang háit mbỏiq sết loah. ⁶ Lứq Yiang Sursĩ yỗn háit bữn Ravieit án cớt sớt tâng mút pahỏm háit cở nhơ tể Yê-su Crít, án ca chuait amoong háit. ⁷ Cở nhơ Yê-su Crít chuait miat háit, ngkít háit cớt tanoang o yáng moat Yiang Sursĩ. Cóp Yiang Sursĩ yỗn háit chống tề máh mun án pruam đỏq yỗn máh con án. Ngkít háit ngcuang bữn tamoong mantáit tề.

⁸ Máh ốc nài la pỉeiq nheq. Cứq yoc mới atởng níc ốc nài yỗn cũai sa-âm Yiang Sursĩ, đỏq alóit chanchỏm táq ống ranáq o sâng. Máh ốc nài bữn kia nheq, cóp têq chuait nheq tữh cũai. ⁹ Cứq yoc mới viaq tể alóit ca blỏh tở cớt ốc, tể alóit ca

yoc ẽ ralõih cõp mới tẽ phẽp rit tõp I-sarel, cõp tẽ choaiq noau chĩc ramũh achúc achiac alõi. Khãn ralõih cõ tian tẽ ốc nãi, ki tở bữn kia ntróu. ¹⁰ Khãn bữn noau tẽ tõp anhia ma yoc ẽ mut cayoah tõp anhia yõn cõt tõp ngcót ẽn, cóq mới sươq cũai ki bar trõ. Vót ki, khãn án noâng ẽ táq ngkíq, ki mới tuih aloõh chíq án. ¹¹ Lứq mới dáng cũai samoat ngkíq bữn mút loai lứq. Ốc lõih ki táq yõn tở án dáng bữm án táq tở p̃ieiq.

Ốc Patâp Canõh Yõn Atit

¹² Toâq cứq ớn A-tama tở la Ti-chacơ toâq pở mới, cứq yoc mới pởq toâp pở cứq tâng vil Nacô-buli. Cứq yoc ẽ õt tâng vil ki toau nheq casâi sangêt. ¹³ Cõp cứq sễq mới chuai Sê-na cõp Ablô. Sê-na la cũai atõng phẽp rit. Crong ntróu alõi ốq đõq pởq rana, cứq sễq mới chuai alõi yõn bữn crong ki. ¹⁴ Cóq mới atõng máh cũai tâng tõp hái rien cutóng táq níc ranáq o. Ngkíq nõq têq hái chuai tõp hái bữm. Chõih yõn alõi õt miat sâng; ốc ki tở bữn kia ntróu.

¹⁵ Nheq tửh cũai õt cõp cứq, alõi cõiq parnai cahan mới tê. Sễq mới cubán cusũan máh yõu ca bữn muoi mút cõp hái cõp sa-âm machõng hái. Cứq sễq Yiang Sursĩ chuai miat nheq tửh anhia.

**Parnai Yiang Sursĩ - Kinh Thánh tiếng Bru
Bru, Eastern: Parnai Yiang Sursĩ - Kinh Thánh tiếng
Bru Bible**

copyright © 2015 Wycliffe Bible Translators, Inc.

Language: Eastern Bru

Contributor: Wycliffe Bible Translators, Inc.

All rights reserved.

2020-11-17

PDF generated using Haiola and XeLaTeX on 21 Feb 2024 from source
files dated 29 Jan 2022

2f74bcbe-d4f1-5386-8c30-29d0147bb706